



佛說邪見經

止

失譯人名今附東晉錄

聞如是一時尊者阿難在羅閱祇城
迦蘭陀竹園世尊般涅槃不久於是
有異邪命是尊者阿難毘舍離城中食
後行彷徨而行至尊者阿難所到已
共尊者阿難面相慰勞面相慰勞已
却坐一面彼邪命却坐一面已語尊
者阿難曰我欲有所問聽我所問當
問賢者邪命聞已知之此阿難彼沙
門瞿曇棄邪見除邪見不記說世間
有常世間無常世間有邊世間無邊
命是身是命異身異有如此命終无
有命終有此無有此无有命終此阿
難彼沙門瞿曇知邪見應如此知耶
此婆羅門彼世尊有智有知見如來
無所著等正覺棄邪見除邪見不記
說世間有常至無有命終此婆羅門
彼世尊有智有見知此邪見如來無
所著等正覺應如此知此阿難彼沙
門瞿曇棄邪見除邪見不記說世間
有常至無有命終云何阿難彼沙門

佛說邪見經

第三張

第二

瞿曇知此邪見此云何知此婆羅門
彼世尊有智有見知如來無所著等正
覺棄邪見除邪見不記說世間有常
至無有命終此婆羅門此邪見者相
應等相應如是趣如是生及後世此
婆羅門彼世尊如是知有知有見如
來無所著等正覺知邪見當知是知
是故阿難我今歸汝汝婆羅門其歸
於我如我所歸世尊汝亦當歸之是
故阿難我今便歸彼世尊法及比丘
僧我於彼世尊為優婆塞從今日始
離於然今日歸尊者阿難如是說彼
邪命聞尊者阿難所說歡喜而樂

佛說邪見經

佛說邪見經

校勘記

一 底本，金藏廣勝寺本。

一 一二三頁中二行「失譯人名今附東晉錄」，**資**、**磧**、**書**作「失譯今附宋錄」；**南**、**徑**、**清**作「失譯人名今附宋錄」。

一 一二三頁中一五行第二字「彼」，

資、**磧**、**書**、**南**、**徑**、**清**作「彼之」。

一 一二三頁下七行「當知」，諸本（不含**石**）作「當如」。

一 一二三頁下九行「亦當」，**磧**、**書**、**南**、**徑**、**清**作「自當」。